

陵水縣志卷之八

海黎志

防海

海寇附土寇邊海外番

黎岐情形 平黎撫黎條議附

陵水外濱大洋內連黎崗漢唐以前不具論宋元而後海寇之害黎岐之擾志不勝書今

國家德教涵濡海氛永靖黎衆歸誠而先事預防不
防海所必及也至於黎岐性與人殊必得其性而

陵水縣志



一

後可治不然雖有平黎之威撫黎之德恐用之不
而及之也作海黎志

防海

舊陵水北距萬州大塘港六十里南至牛頭嶺三十
里牛嶺突出海涯南至今縣治三十里又三十
里桐棲港六十里至黎巷港四十里至玳瑁澳六
十里至榆林港向有賊船棲泊宜加防備
宋慶歷中招收廣南巡海水軍予以旗鼓訓練條

戰守之役

元置白沙水軍巡海上

明洪武二十七年命安陸侯吳傑專沿海訓練衛所官軍以備倭寇設海南衛備倭指揮一員專轄內外十一所每所官各一員督管軍船於所部海面巡視有警申報剷除分別功罪萬歷四十三年分設左司萬陵樂會桐棲博教兵船八隻官兵二百八十四名
白沙寨艚船二十二隻長號槳船十五隻正兵二

陵水縣志

卷之八

二

哨駐泊白沙港一自東下巡文昌清瀾會同至樂會博教港與三亞兵船會一自西下巡澄邁臨高儋州至昌化英潮港與三亞兵船會又遊兵二哨駐泊三亞港一自東上巡陵水萬州至樂會博教港與白沙兵船會一自西上巡感恩魚鱗州昌化英潮港與白沙兵船會

國朝海口水師左右營原設內河快哨船六隻外海趕繒船二隻雙蓬船六隻

雍正六年將內河快哨船六隻俱改造外海拖風

船七年添設左右二營快槳船一隻左右營配兵
巡防十年添設快哨船一隻左營配兵巡防乾隆
十四年將左右營快槳船一隻歸右營石礮港
配防十八年抽撥左右營各快哨船一隻歸儋州
萬州二營配兵巡防
儋萬二營乾隆十九年奉撥海口營及海安營槳
船各一隻配駕巡查港內於三十二年奉裁

海寇土寇附

宋至道咸淳間海寇一平於廣南西路轉運使陳

陵水縣志

卷之八

三

亮斐一平於筦帥馬成旺之子撫機應麟

元至正二十五年海寇麥福來等入寇

明永樂九年倭掠陵水崖州百戶王英戰沒

宏治四年東路指揮崔畢等巡海獲賊坤喇謝提
等男婦百餘六年八月寇犯陵水南崗副使翟進
遠繁指揮千百戶石英等降級有差

嘉靖四十五年五月總兵湯克寬破賊吳平於崖
州擒其妻子及頭目陳二老等八月賊蘓大潛寇
海上劫掠米商黃順等數十人晚進深泥港殺生

員雲某掠其子及抱虎等處子女數十人而去十
二月何喬林容等掠陵水復犯崖州

隆慶元年二月賊曾一本何喬等掠文昌羅頊雲
樓等村副使姚世熙坐視不出三月指揮石子方
招何喬及其部眾林容等引之入城喬至見兵船
多復叛出子方懼追之以死誓之喬乃復歸林容
等竟不就招而去九月林容犯臨高殺掠不可勝
計攻陵水逼至南河燒殘尤甚

六年賊李茂大鯨自崖州來陵人震動由陵直犯

陵水縣志

卷之八

四

萬州所過皆殘海北道許孚遠引兵至人心稍定

按郡志同知陳夢雷議發鄉兵人情洶洶許孚遠
止之督府欲令絕戎統兵二萬南來孚遠亦固拒

東撫西征之計卒如所料先是茂為高卓挫敗已有降意至倭

賊入鹹水港沉舟登岸茂遂統大鯨至倭遁之三
亞奪船出洋悉為暴風所覆茂即令人告招降斬
獲倭解陵水以自解

萬歷元年四月詔赦李茂六年八月賊林道乾大
艘至聲言欲攻李茂駕十餘艘由清瀾入萬州八
陵水縱掠兵道舒大猷自將兵沿海剿捕道乾

去十七年正月遊擊沈茂欲憑兵威挾索澳賄於
是少鍋頭陳良德等搶桐槽船七隻叛去二月掠
萬州東澳等村又入陵水桐樓港遠近震動兵憲
孫秉陽郡守周希賢發兵進剿乃遁

國朝順治十二年二月海寇楊二楊三八桐樓港劫
掠人民官兵少不能抵敵商船用炮火衝拒之不
勝死者無算

康熙三十八年海賊陳老大等船三隻突泊陵水
港知縣李聘會同城守把總劉茂斷其樵汲多設

陵水縣志

卷之八

五

疑兵賊計窮遣人招諭降其衆九十七人

題請安插四十三年三月有賊船在陵水桐樓三亞
海面水師副將劉成功聞報帶兵船剿擒之

附土寇

隋開皇六年十一月辛酉珠崖人王萬昌舉兵作
亂遣隴西太守韓洪討平之

宋慶歷間土賊區希範起郡兵西轉運使杜杞進
討擒寇六百餘人得希範之逆平

元至順二年九月海南賊王周糾率十九崗黎蠻

二萬餘人作亂命調廣東福建兵隸湖廣行省左丞移刺四奴統率討平之
至元三年萬安軍賊兵與期等聚眾三千人作亂海南道宣慰司同知王英按部賊皆就擒
明洪武二年元南建州知州王官子廷金結萬州王賢保作亂攻萬州陵邑騷動海南分司統兵征剿萬州峒首王麗珠定安莫真成各領義兵剿平之

國朝順治十八年托都土賊陳仔集黨二千餘人劫

陵水縣志

卷之八

六

掠村舍遠近倉皇無措理刑姚士升親入賊巢招撫環叩拜降後復集黨焚掠民不聊生總兵高進庫命守備李奉雲千總許實把總周雄石可教統兵進剿賊匿山中時許實僅帶隨兵三十餘人入山剿捕遇賊眾死之士卒見許實死義勇之氣無不以一當百斬首不計其數賊首陳仔中鎗走尋搜山擒獲之黨奔散地方悉平

邊海外番

琉球國在東洋大海中當福建泉州之正東順風

五日可至有大小琉球

日本國古倭奴也後自耻其名而改之在東海中
當朝鮮下流與閩浙相值又東有小日本國

黃支國民俗畧與珠崖相類

韓國地在珠崖之東

安南一路自驩州東行一日至唐林州安遠縣南

行經古羅江二日至環王國之檀洞江又四日至

珠崖

黎岐情形

陵水縣志

卷之八

七

黎分生熟有山名黎母者諸生黎環居其下相傳
山之上水泉甘美使人壽考黎性獷悍不服王化
不供賦役足不履民地惟與其類自相讐鬥有患
及居民者熟黎為之援也以木為弓以竹為絃鐵
鏃無羽出入不釋手以標刀為戈以角為甲器用
土缶瓠瓢飲惟椒酒以擊鼓為樂以射獵為生以
刻箭為信誓以割雞為占卜俗重複讐有殺其父
祖及鄉人者累世必復地產沉水香土奇南檳榔
椰子小馬及翠羽黃蠟之屬結茅為屋如覆盆上

以居人下畜牛豕衣用布縫如單被或織吉貝布
之前後下垂無袖穴其中央以頭貫之下體為素
衣不掩膝椎髻跣足挿銀銅釵花幔纏頭戴六角
藤帽婦人高髻釵上加銅環耳環垂肩衣裙皆五
色吉貝裙曰黎裙不着禪女子將嫁夫家頰涅面
之式女家大會親屬以針筆刺涅女面為極細蟲
或花卉謂之繡面婢則否親死不哭亦不飯惟食
生牛肉以為哀痛之至剝圓木為棺葬則昇櫬而
行令一人前導以鷄卵擲地卵不破處為吉穴外

人欲入其地必倩熟黎為導與之貿易不欺人亦
不受人欺與人信則如至親借貸不吝或負約見
其人即擒之以為質初以檳木償始釋凡負錢一
緡歲加一倍十倍乃止又有附居五指山側者另
一種名曰生歧性尤勇鷲即生黎亦不相往來與
猿猴麋鹿無異焉熱黎本南思藤梧高化諸州人
多王符二姓其先世因從征至此利其山水田地
割為村崗以先入者為崗首同入共力者為頭目
父死子繼夫亡婦主亦多闖廣亡命雜居其中有

納糧當差者有納糧不當差者性亦獷橫不問親
疎一語不合即持弓刀相向其妻從中一過即解
坐無尊卑病則椎牛祀鬼喪葬必解牛款客春則
鞦韆會隣崗男女粧飾來遊携手並肩歡歌互答
名曰作劇有乘時合婚者父母不禁婚姻不避同
姓近生黎者習俗同生黎常因爭忿屠牛聚衆構
生黎以為患其近民居者與齊民無異近多遵守
王化雜髮着褲并令子弟讀書但語言各別耳頗
力田歲皆兩熟并植雜糧

縣北有黎亭南有嶺脚由葫蘆門出黎亭由黎羅
出又有東北崗有大牛嶺小牛嶺為黎人往來必
由之路常出為寇

陵黎生熟互異叛順無常實相表裏必須撫之以
信懾之以威而後能被其唇齒之勢始由閩商蕩
貨諸亡命及土人貪其香木之利多為謀主教以
叛亂之方以致猖獗妄行官斯土者宜加意防範
焉

唐乾封初郡之東南多沒於山崗蠻至德宗貞元
凡一百二十四年嶺南節度使李復統兵收復
德宗時黎民三世保險不賓遣嶺南節度使杜祐
討平之

宋淳熙初知萬安軍趙絳言崗黎王集結三崗叛
乞師剿平四年萬安南崗王利學寇省地利軍湯
鶯討平之

明宏治三年黎亭等崗黎陳那洋等作亂十月兵
備副使陳英叅將姚英統兵進討抵加統一十一

陵水縣志

卷之八

月至大播山與賊遇大破之

正德二年崖州千家村亂三月副使王倬親領崖
昌儋軍土兵討之賊遁焚巢歸釋所獲逋逃民為
立祠七年萬州鷓鴣龍吟等崗黎鄭那忠等復出
先於宏治十七年殺督備指揮谷志因謀案會陵
水黎亭等黎會應勢日熾督府因被害民王昕等
奏聞始委兵備副使詹璽統官軍兵五千征剿三
月遣指揮王琥等四路分進期會於中地為土舍
漏世賊多遁匿縱橫崗中大運山麓西哨指揮趙

槃撤兵出屯熟黎長沙村逗遛不進東南二哨指揮高煥周士英千戶王韶等亦移營太平村從征指揮陳振入探見賊數人先馳歸隨旗軍皆遇害既夕賊乘勢劫民兵等營殺傷數多煥等掣往南山路出惟北哨指揮王琥抵會所見賊空巢焚之時壘駐劄張牙市聞太平營為賊所劫遂散師而歸是役竟無功

嘉靖十八年萬州黎賊那紅那黃以千戶萬人傑激變入陵水黎亭嶺脚鄉城大亂副使陳大珊令

陵水縣志

卷之八

士

指揮張世延等進剿遇賊伏兵珊與百戶于溥項檜俱力戰死賊勢大熾二十年都御史蔡經總兵柳珣叅將程鑒調田州向武等目兵十萬二千分三大哨叅將張岳統中路由昌化進剿德霞等處副使陳茂義統左由萬州進剿郎溫柳根僉事高節統右進剿黎亭嶺脚九月十三日斬獲五千四百八十六級奏聞陞賞有差二十八年崖州州官黃本靜激變黎那燕等屢撫不下巡按御史黃汝桂奏聞巡撫歐陽必進移鎮

雷陽調兩江土目官兵會鎮守廣西副總兵沈希儀叅將武鸞都司梁希孔守備張琮分三哨中入感恩左自陵水右自昌化抵其巢斬首五千三百有奇

萬歷四十一年陵邑黎賊廖二背叛大肆劫掠百戶陳克先為其所殺時在剿平崖賊抱由羅活等崗之際副使姚履素乘大軍聲勢率同陽電叅將葉應春督兵攻剿斬賊首那求那欣等爰招撫一十六崗而陵始安因設白茅營以善後

陵水縣志

卷之八

三

國朝順治十二年喃嘮黎寇王進忠等聞城守王命貪利毒民聚賊數千人蠶擁而起屯北門河一晝夜邑人危急會郡水師營張彪提兵萬州陵人告急於是彪領兵南下自南崗至縣盡剿平之康熙二十八年三月陵邑陶加墜黎首王國臣梁聖奇以報王廷魁王之誅等讐為名作亂先是昌化掃蠻黎首王廷魁等劫掠大小幄諸隣崗瓊鎮右營易知誘斬之定安大河土舍王之誅等謀變殺千總楊廷遊擊丁月桂誘渠魁斬之至是國臣

等焚劫大潛多艾等村殺擄拒敵總兵吳啟爵統
兵進剿先破喃嘜崗斬賊首王乾雄王文成等三
十五人招出餘黨那柳等四百二十一人又攻陶
加墜斬賊首王國臣陳晉等三十二人擒餘黨三
百十二人救回被擄男婦十三名口整旅而歸仍
相度地勢在黎岐雜處之黃茅崗屯兵三百名以
遊擊統領彈壓事平具

題八月又有生黎母葵母贊等村聚黨三百餘人聲
言為喃嘜及陶加墜報讐出犯營汛總兵吳啟爵

復領鎮標官兵攻破母贊殺十餘賊而母葵打喃
母合母農母老站牙喃嘜仔八村黎首那入那理
等投見輸誠翌日又有母贊上母贊下母陽母頓
母刺母寢番裁南分南溪老九村黎首那昌那濕
等歸順是役也共招撫生黎十七村五百三十五
家乃於民黎交錯處設水尾太平薄沙寶傳並舊
設樂安汛五分兵防守為善後計

乾隆三十一年三月定安縣六崗黎首王天成糾
眾王深水光頭四那隆等自定安至會同樂會陵

水崖州一帶來地災殺客民吳運等男婦七十名
口總鎮甘國寶巡道王錦郡守曾祝同知宋錦親
詣各崗督率弁兵丁壯剷除鎗斃黎匪三十八人
擒獲百四十三人分別首從具
題服罪羣黎乃懾是時客民李林興等亦被害天成
仍傳箭槍已等弓黎首王老授等乘機黨劫客民
知縣陳名儉會同萬營遊擊廖國寶捕獲解究斬
首傳示地方以寧

附撫黎

陵水縣志

卷之八

古

梁陳隋燕國夫人馮浣氏世為南越首領壓服諸
越收降僭耳帝賜百十餘萬

唐中宗時宋愛暹為嶺南採訪使時崖振等五州
首領更相攻掠慶禮身蒞其地諭以大義皆釋仇
相親

宋太平興國間李崇矩為瓊崖儋萬四州都巡
使黎賊出擾崇矩悉抵撫慰以已財遺之衆皆懷
附

淳熙元年十月五指山生黎崗首王仲期率其旁

十崗丁口一千八百二十人歸化瓊守犒賜遣歸
圖其形狀衣製上經畧司二年萬安黎蠻竊發經
畧司選靈川令黃疇若籌畫招捕事宜
慶元初通判劉漢修崇郡學激勸生徒延師訓導
捐祿廩給黎獠諸崗亦遣其子就學衣冠如制踵
至者十有餘人

端平初劉椿知萬安軍買扶諸崗黎聞風相率詣
劉納款願隨土貢獻

元至元十六年朱國寶為海南四州宣慰使訓兵

陵水縣志

卷之八

五

息民黎人降者三千戶蠻崗三十所十八年復招
降民亥番毫銅鼓博吐桐油等十九崗
明宣德四年以崗黎多擾革去撫黎流官

國朝

雍正七年十月恭逢

尚壽聖節衆官祝釐陵邑生黎數百人焚香叩首連呼
萬歲八年春正月崖定瓊三州縣生黎王那誠王
天貴番否等陵邑生黎那萃等共二千九百四十
六人輸誠向化願入版圖每丁歲納銀二分二厘

以供賦役三月總督郝玉麟等奏

聞奉

旨誠心向化願附版圖朕念其無田可耕本不忍收其賦稅但既傾心依向若將丁銀全行豁免恐無以達其輸誠納貢之悃忱將遞年每名輸納丁銀二分二厘之數減去一分二厘止收一分以作徭賦地方文武大臣時時訓飭所屬有司弁員等加意撫綏務令安居樂業各得其所以副朕胞與地方之至意欽此黎民感泣悉化為良

陵水縣志

卷之八

六

附條議

明

韓俊奏稿畧

為今之計莫若革去土舍崗首立以州縣屯所量撥在外軍民雜處於中為防引開闢五指山十字道路均通四處徃來遍立地方更甲嚴為法制禁約除軍與餘丁外餘人有持弓矢者就令更甲擒拿赴官問邊遠充軍自然數年之後老者棄弓不持少者忘弓不習武藝自廢禮樂方興雖有官吏

生事剋剝亦得如州縣小民隱忍甘受誰肯倡為
亂階今土舍尙首皆伏貨利肥家逢迎府縣開欲
建立州縣屯所彼愀然不樂或又妄生異議然以
事理觀之必如是而後可

楊理上盧兵備書畧

蠢爾有二種其五指生岐疆界由瓊抵崖不過三
百餘里自儋遠萬不出二日餘程中間可立衙門
候彼三八月飢荒之時或五十月禾熟之際分兵
四面開示信義若彼聽從乘此開路有一二村尙

不服撫者擾其收成妨其耕種彼獠之性最怕火
器乘虛遣人抵尙放火四面礮響如雷彼必喪膽
但宜慎機勿泄蓋彼皆藉土舍為之探聽事情消
息有事官司未舉黎尙先知而土舍黎首探報尤
切更當嚴制舍此之外惟錢糧軍馬二事在加之
意而已

楊理上歐陽太守書

自洪武庚戌永嘉侯朱亮祖壬子指揮張庸乙卯
百戶李貴相繼興舉或方計定而他事掣肘或已

加工而失處壞事至戊午指揮蔡玉建暫停之議而終不能舉者蓋因不深知地利又被奸讒蒙蔽有云山勢險阻有云嵐瘴可畏有云黎人梗化有云地高難耕有云動衆勞民為此言者不過辟勞取逸耳既云山勢險阻則元帥曾抵其處什物輜裝通行無礙聞之始通之人自思河僅六日前半路頗崎嶇岐黎款奉情極卑謹其傍呼為百姓尙者乃天順間邵賊餘黨生息甚繁語皆東語比岐尤勤耕作由此觀之則無險阻可知矣以為嵐瘴

可畏則久遊軍民勾引客商在內娶妻生子久皆無恙以為獠性梗化則何宋元生黎累見款降而陽春生尙今何輸服以為其地不毛則所耕何皆膏腴以為動衆勞民是雖不免然勞於一時而實利於永久所謂不一勞者不永逸是也

郡守謝廷瑞奏稿

本府地方黎情甚重以海外絕島州縣衛所等衙門皆沿邊海百里之外為熟黎熟黎以裹為生黎心腹之病初以熟黎為藩籬有土舍尙首以管束

之事久玩愒反以黎岐為利臣嘗詢有識士夫及老成涉歷之人皆謂其地南北約七百餘里東西四百餘里又無城郭之固介冑之堅其實不必集調官軍可以刻期而致也正德四年內前任兵備副使王倬平千家村若反掌只用千餘人但當時獨攻一西近黎得以聲援相倚又機泄聞風先遁遂不獲收其全功為今之計必須乘其未發預行積穀練兵選本地精壯官軍并鄉夫四千餘人助以一二千土舍黎兵分道並進使彼不暇相顧

陞水縣志

卷之八

九

一面設計招撫彼善弱者先附則強梁者自孤勢孤則巢穴可擣梟可執也

吳會期奏議

黎居良民五之一宜於兵威削平之際開通十字大路於其間大約以道里計之自府至崖千里而遙自儋至萬六百里而遙此四至之境也細度之自府至沙灣三百里自崖至羅活三百里俱為坦途其中未開通處不過二百里耳官軍屬武官領之民兵屬有司領之士兵屬鄉保長領之通力

作相其谿壑易其險阻假以數月而瓊崖之路可由黎崙中行矣僭萬之功則又殺焉四路交達度中建城量地置堡就堡立屯以攻則取以守則固矣

海瑞上兵部條議

竊觀黎岐所居之地雖有高山峻嶺其中多平行崗塲膏腴田地可闢之以立縣所者甚多今據大征剿後皆人之所以常行共見者則崖州羅活崗抱由村感恩古鎮州陵水即溫崗瓊山大坡頭營

儋州七方崗凡立縣遷縣必先置所移屯其不必立所者亦宜撥軍兵數百名防守俟黎平後議撤其凡陽磨替二村之間乃東西南北之中可立一大縣遷海南衛並兵備道叅將府於中使東西南北皆可以控制黎岐且與新立縣所為虎豹在山之勢一感恩土瘠民苦耕作亦非要害可遷於古鎮州會同澄邁二縣亦非要害似可遷於附黎崙一各州縣巡檢司非要害者皆遷於新立所近地或衝要里社以為關防一海南衛十一所屯田正

以防黎禦寇也今其地附近之黎登版籍為良民
久矣屯軍一無所為可撥其田為民田遷軍餘別
營屯田於黎崗中一崖州昌化二所在州縣中其
旁州縣居民熟弓矢常時皆能自禦海寇無俟於
本所官軍今若遷崖州所於羅活崗則去崖州止
一百里遷昌化所於古鎮州則去縣止七十里內
可以制黎岐外可以禦海寇一黎人獷悍不肯歸
化者為州縣遠絕向化無由并為奸人所阻隔者
亦多今若區處羣黎當先其易而後其難既得其

陵水縣志

卷之八

三

易輒立縣所則難者欲為亂而無羽翼我勢既壯
則彼當向化矣一岐黎歸化當編其崗首村首為
里長所屬之黎為甲長出入不許仍持弓矢原耕
居田地聽從其便其山林可開墾處及絕黎口地
宜招外方無業民耕作結為里社與黎岐錯居

叅將俞大猷圖說

黎岐居於三州十縣之中與吾治地百姓魚鹽犬
貨相通鷄鳴犬吠相聞劫鄉村最為便易我兵既
集千餘萬徑皆可以適其巢穴無一次不收其成

功即今經戮村分其遺類不甚多以其遺地移吾兵民雜居之則其子孫耳濡目染乎吾民之言語習尚皆可化為百姓矣惜乎自古以來皆上首功於賊勢方張之時而不能駕馭於摧敗之後能捐大征之財數十萬於賊未平之先而靳經畧之財數萬於善後之際彼其長養積聚之久復如前日之盛一有所激復聚為亂仍動大兵以剿費用之多殺戮之慘元氣之傷亦其勢之所必至耳本職歷遍各崗脩覽形勢撫諭各黎熟察其情果見近

今經剿地方於羅活崗宜立叅將府遷崖州千戶於其內抱頭村宜增設一縣古鎮州宜立屯所各有絕黎田地可酬剿平之功仍各築城穿池以垂永久之規又各不經剿黎崗合先區處以杜後日之患如儋州之摧抱村宜遷鎮南巡檢司又撥儋州千戶所官一員軍一百名陵水之嶺脚崗宜遷藤橋之巡檢司又撥南山千戶所官一員軍一百名瓊山之沙灣宜新設一巡檢司及撥海南衛官一員軍一百名各協鎮之以弭其將來之變仍各

築城穿池以為他日立州縣之基又各城池之中俱蓋叅將衙門以便周流巡視若夫道路宜通者則南北取直徑過遷設驛遞以便官民往來又羅活城宜暫圍打手五百名摧抱嶺脚沙灣城宜暫圍打手二百名各於鎮壓之中寓招徠變化之術間有梗化不馴之徒相機設計去一二村以警其餘五年之後事宜已定漸次制其土舍行令更為里長該管黎人就編屬之以為甲首納糧之外不得再加差役其各州縣掌印官務將管下黎人嚴

禁童女不得如前涅面文身男人務着衣衫不得如前赤身露腿其首各要加帽不得如前簪髻倒顛各村黎童之幼小者設社學以教之使其能言識字每一年之間守巡官查考各州縣官變化各熟黎幾村招撫過生黎為熟者幾村具呈撫按衙門以為殿最如此經畧漸次舉行熟黎既不得倚生黎以為禍土舍亦不得假熟黎以生奸不數年間皆登州縣之版籍矣

瓊州等縣原設有排門鄉盟兵擇其豪者為鄉勇哨官或保長以領之村落大者至百餘人小者亦不下數十人一聞警息即聽有司調集協同營兵防禦以故寇多不敢犯近因宦家買置庄田名曰官庄一切佃丁鄉盟人等既獲優免即有警呼調不應甚者又有豪奴悍佃窩匿流亡奸盜莫可究詰而各官庄亦瓜分勢寡不能自衛遂至束手無措頃者定安光螺嶺上下之事可鑒已夫前事不忘後事之師也合無督令撫黎官親履各地方核

其戶口稽其生業無論勢宦一槩佃丁廝役鄉隣盡藉其壯者為兵擇其中有行能者僉為鄉勇哨官次為保長分領其眾除農隙講武外無事不許輒行差遣遇有黎岐出沒集眾防守悉聽有司營官調發敢有仍前抗違閃避者究治庶家自為守人自為戰而地方可保無虞矣

叅將何斌臣征黎善後條議畧節

由間道而出竒兵審地利以據險要用熟黎以行間謀易器械以便攻剿禁魚鹽以困諸黎備飲食

以防瘴毒慎偵探以行誘敵招亡命以絕敵資
接濟以足軍精慰順黎以寓招撫秘機謀以明暗
號相機宜以乘時勢懸賞格以徇勇敢調狼兵以
衝險阻

國朝

總鎮范時捷條議

瓊州孤懸海中黎山峙其內大海環其外欲為經
畫網繆非披圖籍所能悉所有巡勘過各州縣港
汎之險易設兵之緩急逐一敷陳一瓊山縣有牛

水縣志

卷之八

五

始白沙鹽灶三港澄邁縣有東水石礮二港此五
港係瓊州水師轄汎毋庸議及一臨高縣有大港
三內除馬袅港亦屬水師轄汎外有石碑港離縣
四十里此港濶大易於行舟舊未設兵查係儋州
營屬汎應行僭管酌量緩急抽兵二十名防守有
博頭港離縣三十里港深水濶易於行舟原設百
隊一名帶兵四十五名防守舊日營盤扼要港口
頗有地利不知何年改為腹內離港七里而遙今
應復還舊劄處所庶便控扼此外尚有博舖博泊

博述黃龍諸港俱有墩臺設兵瞭守且一帶接連
俱堪彼此聲援一儋州有新英港離州城十里外
通洋浦灣三板石等處額設防汛兵七十名港雖
寬大然距州城不遠可以策應毋庸置議一昌化
縣有英潮港離縣城三里儋營有把總一員帶兵
三十五名防守布置得宜一感恩縣有大港二一
曰北黎港離縣甚遠港大而險必空船方可出入
崖州營撥管隊一名帶兵二十五名防守布置得
宜一曰感恩港俗呼縣門港離城五里此港潮退

陵水縣志

卷之八

五

不能進舡舊制崖州營撥百隊一名帶兵一十七
名防守查此項目兵久與防城之兵同住城內大
非循名責實之義應令防港目兵在港面地方住
劄且經躡勘該地平濶堪以安營所當急行者也
又有地名嶺頭墩者一名嶺頭灣離縣四十里此地宜
防舡入灣取水舊設墩臺一座兵二名瞭守今
應增兵一十八名令崖營酌量抽撥防守以杜奸
歹一崖州為全瓊之後戶其瀕海衝險處所較各
州縣為多即如自峯人塘起歷黃流灣榕村酸梅

塘南山嶺止計海面約二百餘里雖設有墩臺及瞭守兵丁奈此一帶地方處處可以泊舡登岸取水又處處逼近村庄今應於榕村適中之地設兵五十名撥千總一員每年輪換帶兵防守自南山嶺至番人塘一帶地方無事則上下巡查有警則加緊堵禦誠不可少緩者也但慮崖營汎廣兵卒不便再為抽撥查康熙三十一年奉文一件瓊土已闕等事抽調崖兵一百名貼防太平水尾薄沙寶傳四處黎汎今黎岐遵化安耕樂業相應於太

平水尾二汎各調回一十二名薄沙寶傳二汎內各調回一十三名共足五十名安設於榕村地方以便往來巡查堵禦又有保平港距州城十里額設兵五十名兼顧大蛋港其港雖大然內有城汎外有港汎可以互相應援又有三亞港離城一百二十里港面濶大舡隻出入自如據遊擊黃友瑛指陳此港舊係釘椿扼守今宜仍舊釘椿則舡隻難進至其營盤布置皆已得宜又有榆林港與三亞港止隔一山呼吸可通無庸更議一陵水

桐棲黎菴二港離縣三十里係防陵官兵兼顧港雖寬大多石而險非熟識水道者不能進但二港之界有地名椰子灣者此港可以泊舟取水舊制木柵阻欄灣口今已朽壞推原前人作柵之意非藉以為固特為緩勢計耳舡不能前進則我兵技勇得以先施此柵欄所宜仍舊修設者也一萬州有東澳港離州城三十里此港甚大又有那樂港較東澳畧小萬州營撥百總一名帶兵五十六名駐劄東澳並防那樂而東澳那樂之間有地名

新潭灣者與海中大洲山相對舡取水甚便應於東澳防兵五十六名之內抽撥二十名移防新潭灣撥千總一員督守歲久輪換則舡不敢近矣一樂會有博敖港離縣一十五里係萬州營屬汛撥百總一名帶兵三十六名防守此港口多石惟熟識水路者方能出入一會同縣有潭門港文昌縣有舖前清瀾二港俱屬水師營汛定安一縣無港均無庸議以上止論各州縣大港之險易若小港小汊名目甚多約皆淺窄難行亦各有兼防

不必具論竊惟瓊州五營兵制為數僅四千有零
內一層防黎中一層防城外一層防海既已在在
須防而海艖揚帆瞬息千里陸路應援徒步為艱
故於石牌港嶺頭灣榕村新潭灣四處議設營盤
蓋因其地勢之緊要也博項營盤之議仍舊址感
恩港防兵之議駐港面三亞港之議復釘椿椰子
灣之議設柵欄蓋為從其舊制立法之善也倘邀
允議則抽調移防之處當迅行各營遵照其蓋造
營房修復椿柵之處誅茅伐木取之甚近工少費

陵水縣志

卷之八

五

省並不累民請飭該管州縣舉行以上條議不過
舉其身歷目覩亦就陸言陸耳誠得舟師數隻於
每年孟冬起春末止周巡東西海面則水陸交嚴
海疆寧謐為瓊郡造太平之福真無窮矣

郡守賈棠詳議

海口所為瓊郡咽喉舖前港居東馬裊港居西乃
瓊郡之肘腋也其地皆屬險要而舖前尤為喫緊
海口舖前馬裊三港現有水師戰艘防範周密無
庸置議但水師所轄汎地東至會同縣之潭門西

至臨高縣之馬晨而止其餘州縣亦各有港口通海係瓊鎮陸路兵丁防守從來設有水師兵舡誠慮賊踪飄忽突至官兵無舡難以追剿似宜撤回防砲及巡吳川白鷓等處之戰舡分撥於儋萬崖三州每州港口抽水師協千把總一員帶兵一百名駕舡二隻輪流巡哨使水陸互為聲援庶幾萬全再查瓊州素無山賊出沒止有黎人為患細閱瓊志平黎議黎諸論議雖云黎性難馴實皆奸徒唆煽勾引有以致之前代王璉之亂因兵備道壘

錫爵誤聽招撫以致受欺近歲王鎮邦作亂撫黎同知何斌復主招撫受其愚弄皆彰明較著者蓋黎人蠢爾無知其為亂也皆由奸徒煽惑彼利於黎人為亂得以從中攫利方其蠢動之時赴官力任招撫圖騙委牌公然出入黎崗無復顧忌反將官兵情勢進剿機宜告之黎人更教以拒敵之策導以搶掠之方官府以為心腹賞給銀錢黎人恃為細作酬贈財物甚則袒為黎人宛狀開列某官騷擾某役需索百寶跡若得斯而削名有讐隙者

羅織而入款官府恐黎人之擾亂奸徒利黎人之
狂逞及至亂萌又惟恐就撫之速無以取利多方
設法阻隔迨日久猖獗終必剿戮而後得平此輩
之陰陽反覆煽惑長奸真有不可名狀者從來安
黎無善策惟有平日無事則嚴其盤詰禁其騷擾
一旦有變則朝發夕剿無使滋蔓隨剿隨撫誅彼
元克宥其餘黨恩威並施平定易如反掌若誤信
招撫遲疑不決遷延日久諸尚響應勢難解散斯
時言剿所傷實多康熙二十八年已設有樂安寶
停薄江太平水尾五營防守要路若撫循得宜亦
可免蠢動之虞矣

同知姚哲詳議

一巡海兵舡宜增大海汪洋渺無涯涘瓊郡孤懸
海中府屬州縣瀕海港口處處可以進舟灣泊在
在可以登岸取水即使多設巡邏舡隻猶懼不虞
查目今巡海哨舡不過十有餘隻所以夥賊往往
易於乘潮肆掠則舡少疎虞之過也應請於要害
港口增設巡舡選練水兵調撥巡邏聯絡不絕其

巡查以舡票為憑凡無舡票及無貨物者即係互舡巡海哨舡須各分地方以專責任如某日某舡巡邏某處各有記簿倘遇事發即查該地方係屬何人巡守則踈玩之罪既難逃辭而遊奕小醜亦懼我之有備而爭相遁跡矣一水陸地方之巡查宜清海上巡邏固須多設舡隻其陸地僻處寫遠者舊制止設營汛兵丁並無舡隻可以巡海應請各州縣水陸緊要處所逐一清查分晰某港某口一帶水路係海舡所巡某州某縣陸路若干遠近

係汛守兵丁所巡其有陸路汛守而兼巡海口者即酌量添舡添兵之法務使水陸巡查各得其實庶地方不致推諉而防禦實受其益矣一漁舡之給票宜禁捕漁舡隻雖屬各州縣編氓但嘉穀之下不無稂莠其良善安分者固多而乘機剽掠貪利害人者亦正不少此輩若給以票勢必藉票作膽肆行海上或搬運米穀接濟賊舡互相倚伏乘間為盜亦未可定是名雖為捕魚而實則寇盜之因查捕魚小舡既係辦課何須給票應請飭禁止

許在于本籍內港往來捕魚倘越港外地界即以
匪類究懲則奸宄無所托跡而海上亦無別寇矣
一貿易之給票宜慎瓊南頗為商賈輻輳之區凡
一應客商有赴黎岐貿易者有往來大洋貿易者
固皆以票為憑然而給發不可不慎如赴黎岐則
每人給票一張不許朋名夥充仍須確查是否殷
實之家並取具本地里隣或土著認識各保結等
狀限以時日不使久戀黎地以滋擾害過期不銷
即加懲治並連坐保結之人若往來大洋者則每

舡給牌一張亦須嚴查籍貫是否殷實並取里民
隣佑認識各結更加以州縣印結轉呈關部給牌
關部送院院咨隣封轉行沿海地方無論隣省本
省貿易舡隻在在如此嚴查倘有過犯拿保結人
等以所犯罪罪之庶小民咸知畏法而奸商知所
警懼矣一商人之深入黎境宜禁黎人各守產業
相安耕鑿其忽然蠢動者皆因無藉棍徒利慾薰
心深入黎境魚肉百端不可枚舉更有一種奸徒
犯罪脫逃無處潛踪因有假冒客商深入黎境

則藉以藏身久則教唆煽惑勾引黎人為非以致生亂應請嚴禁客商人等不許深入黎境凡貨物往來止許盤頓峒口兩相交易仍責令該州縣官不時嚴查如違照光棍律擬罪則黎人既得交易之利亦無騷擾之害反側之變勢所必無此誠撫黎之要道也

制軍楊廷璋撫軍王檢奏黎山善後事宜

一客民黎人宜分立村落也查黎與民同隸版圖原不應過分畛域但民黎性情各別今客民盤剝

欺凌黎匪逞忿焚殺皆由民黎雜處以致釀釁生端若分立村落各設守望各安生理則衆弊消弭應查明客民久居黎地有家室田園廬墓者使之聚集自立一村照舊營生管業或有附近數里之單身客民揀居黎村者令其移住客民村內另編保甲按保設立甲長地方官給以門牌稽查一如保甲成法以時稽查管束至黎村仍責成該總管黎頭稽查約束不許黎岐往來客民村內私相借貸違者許該甲長黎頭等赴官稟究隨時懲處甲

長黎頭狗隱不報別經發覺一併責革一從前之
錢債數目宜詳查清理也出本生息不過三分重
利盤剝即干嚴禁現在黎與客民所借之賬應飭
各地方官徹底查明如非違例取息已收一本一
利者即將借券繳銷無庸再還如尚未收足本銀
者仍令歎戶清還如實係重利盤剝者除一本一
利外將收過多餘息銀追出充公未清之數歎戶
免其歸還此番清理之後永遠不許客民入黎放
債違者嚴究遞回原籍一民黎交易宜酌設墟場

也查瓊南藤板香料以及雜貨等物多出自黎崗
山谷今既禁客民黎人私相借貸重利放賬若不
酌籌交易之法則貨棄於地黎人未免拮据應飭
各地方官各於附近州縣城外汛防地界設立墟
場一二處或兩三處按一四七二五八三六九定
以墟期俾源源赴墟彼此交易黎貨既已流通物
價又復公平每屆墟期責成該汛巡檢弁兵督同
黎頭保甲赴墟彈壓稽察該管州縣府廳仍不時
嚴查倘有借端索擾等弊官弁則詳揭叅究兵役

則革退治罪一熟黎宜令剃頭以昭畫一也查黎
人有生熟兩種生黎深處五指山內向來不納糧
課巢居野食頑蠢驚悍無異犬羊仍聽其自便外
至熟黎環居五指山脚情性雖與民人各別而耕
種納糧當差涵濡已久是以各屬多有剃頭黎人
欲自附於齊民者但未著為令未經剃頭之熟黎
尚多殊未畫一應飭令該黎崗總管哨管黎頭等
曉諭各熟黎普行剃頭地方官設法獎勸使之欣
然樂從既令其漸次成風併杜其假冒生黎滋事

酒消贖悍之習一貢木貢香宜酌定章程也瓊郡
每年例辦進貢花梨沉香向來各州縣承辦花梨
木係專差領票赴黎購買令黎頭送出交官按詳
定價值發給其沿途扛擡係飭該黎頭挨村撥夫
運送查差役八山採木押夫扛運不無擾累嗣後
應將年額貢木尺寸長短觔量明白曉示預發價
值勻派總管哨管黎頭分辨正副件數定期運赴
地方官選用按價核算給清以杜差役擾累之弊
如踰期悞貢及不合尺寸觔量以贖木搪塞惟該

總管哨管黎頭是問其沉香一項亦預發價值勻
派總管哨管黎頭分辨將上好香料送赴地方官
選買核給價銀倘有總管黎頭等貪得重價偷賣
上好香料與外販者查出重加懲創仍行倍罰但
不得短價措買或吏役刁難索詐一經告發或被
訪察官則嚴叅吏則治罪如總管等逾期悞貢重
處責革一漢奸潛入黎村宜實力稽查也查各處
要隘俱有汛弁巡檢駐劄凡出入黎山峒口之人
務飭兵役盤詰明白然後放行如有將漢奸私放

陵水縣志

卷之八

七

入黎及佐雜營弁有出票差人入黎者一經察出
定將該員弁叅處兵役革究正印官催徵錢糧勾
攝公事祇許票差黎頭勒令交出不許差役入黎
騷擾倘該州縣不嚴行查禁或明知不行揭報即
以徇庇詳叅同知知府巡道失於查察一併議處
奉

硃批如所議行爾督撫仍應不時查察欽此

